

le Capitaine de Tadouffac, eſtât entré l'Automne paſſé dans ſon Apitouagan, c'eſt ainſi qu'ils nomment ce Tabernacle, ſon braié fut ietté hors du Tabernacle par le haut & ſon corps enleué, en forte que ceux qui regarderent dedans ne le virent plus: qu'en fin on l'entendit retomber, faiſant vn cri plaintif, comme d'vn homme qui reſſent le coup de ſa cheute: Eſtant forti de ceſte diablerie, il dit qu'il ne ſçauoit où il auoit eſté, ny ce qui s'eſtoit paſſé.

Le meſme m'a dit fort familiarément, car il eſtoit noſtre domeſtique, & nous l'inſtruifions à la Foy, qu'eſtant fur vn Lac glacé pendant l'hyuer avec vn autre ieune homme, ils virent vn forcier entrer en fureur, lequel fut enleué ſans ſçauoir comment, car il diſparut tout à coup de deuant leurs yeux, fur le ſoir on trouua ſa robe ſans ſon corps: à quelques iours de la il reuint tout haraffé, ſans pouuoir dire où il auoit eſté, ny ce qu'il auoit fait. I'ay dit cy-deſſus que par fois dans leurs grandes famines quelqu'vn d'eux diſparoifſoit ſans iamais plus retourner: ils m'ont aſſeuré que cela ſe faiſoit & que c'eſtoit vn tres-mauuais augure pour eux, que [165] alors le Manitou les conſommoit.

De plus ce meſme ieune Sauuage dit auoir veu de ſes yeux le Sorcier Karigouan, avec lequel i'ay hyuerné, tirer vne pierre de ſon ſac, la mettre fur vn bouclier & le bruſler: il m'aſſeuroit qu'on n'auoit point chauffé ceſte pierre.

En fin, Makheabichtichiou m'a rapporté que les Algonquins, qui ſont plus haut fur le grand fleuee, deuinent par Pyromantie: mais pource qu'elle n'eſt point différente de celle des Hiroquois, dont le Pere Brebœuf a parlé en ſes Relations, ie ne l'expliquerai